

UNIVERZITET U TUZLI
Ul. Dr. Tihomila Markovića br. 1
Broj: 01-161-JN-9/24 LOT6
Tuzla, 12.11.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-161-JN-8/24 LOT6 od 11.11.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

ODLUKU O IZBORU NAJPOVOLJNIJEG PONUDAČA

I

U otvorenom postupku javne nabavke ribe i proizvoda od ribe (LOT6) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, izabran je ponuđač „Redex“ d.o.o. Banovići, sa ponudenom ukupnom cijenom 10.997,20 KM (bez PDV-a), odnosno 12.866,72 KM (sa PDV-om), te se istom dodjeljuje okvirni sporazum.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke dostavi original ili ovjerene kopije svih uvjerenja/potvrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je otvoreni postupak javne nabavke ribe i proizvode od ribe (LOT6) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, broj: 01-161-JN-2/24 LOT 1-LOT 8 od 12.09.2024. godine, objavljenog na Portalu javnih nabavki obavještenje broj: 795-1-1-118-115/24 od 27.09.2024. godine, a sažetak u „Službenim novinama BiH” broj: 67/24 od 04.10.2024. godine i WEB stranici Univerziteta.

U ostavljenom roku ponudu su dostavila dva ponuđača: „Redex“ d.o.o. Banovići i „Lala i Laćo“ d.o.o. Bijeljina, te je izvršeno javno otvaranje ponuda što je konstatovano Zapisnikom sa otvaranja ponuda broj: 01-161-JN-8/24 LOT6 od 18.10.2024. godine.

Analizirajući ponudu ponuđača „Lala i Laćo“ d.o.o. Bijeljina Komisija za javne nabavke, imenovana Rješenjem broj: 01-161-JN-3/24 LOT1-LOT8 od 12.09.2024. godine, utvrdila je da je ponuda nepravilna i da nije u skladu sa tenderskom dokumentacijom iz sljedećih razloga:

Ugovorni organ je tačkom 3.5.2. pod f) tenderske dokumentacije zahtijevao da se opis robe koja je predmet isporuke dostavi u vidu proizvođačke deklaracije za stavke pod rednim brojem: 3, 4, 5, 6, 7, 8, 9 i 10 za LOT 6, te da dostavljena deklaracija mora biti usklađena sa zahtijevanim opisom proizvoda iz kolone 2 te nazivom proizvođača kojeg ponuđač navede u koloni 5 Obrasca za cijenu ponude. Deklaracija se dostavlja kao neovjerena kopija, a data je mogućnost da se dostavi i kao print verzija sa interneta, na kojoj se jasno vidi zahtijevan opis ponudjenog proizvoda.

Ugovorni organ je za stavku 5. Obrasca za cijenu ponude zahtijevao: sardinu u ulju (min. 125 g konzerva sa samootvaračem). Ponuđač je dostavio fotografije pakovanja konzerve sardine u biljnom ulju od 125 g, ali se na istim ne vidi da je ispunjen zahtijevani uslov da se radi o konzervi sa samootvaračem.

Ugovorni organ je za stavku 6. Obrasca za cijenu ponude zahtijevao: sardinu sa povrćem (min. 125 g konzerva sa samootvaračem). Ponuđač je dostavio fotografije pakovanja konzerve sardine u biljnom

ulju od 125 g, ali se na istim ne vidi da je ispunjen zahtijevani uslov da se radi o konzervi sa samootvaračem.

Ugovorni organ je za stavku 7. Obrasca za cijenu ponude zahtijevao: filete skuše bez kože i kostiju u biljnom ulju (min. 115 g konzerva sa samootvaračem). Ponuđač je dostavio fotografije konzerve fileta skuše u biljnom ulju od 125 g, ali se na istoj ne vidi da je ispunjen zahtijevani uslov da se radi o konzervi sa samootvaračem.

Ugovorni organ je za stavku 9. Obrasca za cijenu ponude zahtijevao: tunjevinu (min. 170 g konzerva sa samootvaračem). Ponuđač je dostavio fotografije konzerve tunjevine koju nudi, u neto količini od 150 g. što nije u skladu sa postavljenim zahtjevima u pogledu gramaže proizvoda iz Obrasca za cijenu ponude. Isto tako na priloženim fotografijama se ne vidi da se radi o konzervi sa samootvaračem, što znači da ponuđač u ponudi nije dokazao ispunjenost uslova propisanog u Obrascu za cijenu ponude kako je naprijed navedeno.

Zbog naprijed navedenih razloga ponuda ponuđača „Lala i Lačo“ d.o.o. Bijeljina se odbacuje.

Analizirajući ponudu ponuđača „Redex“ d.o.o. Banovići u pogledu kvalifikiranosti i ispunjavanja zahtjeva iz tenderske dokumentacije, te prema sadržaju i potpunosti, Komisija za javne nabavke je utvrdila da je ponuda potpuna i prihvatljiva prema kriteriju za izbor ponude, da sadrži sve kvalifikacione dokaze zahtijevane tenderskom dokumentacijom i da ispunjava zahtjeve u pogledu cijene i opisa predmeta nabavke, a ponuđač kvalifikovan za dobro obavljanje posla.

Obzirom da je pristigla samo jedna prihvatljiva ponuda, e-aukcija nije zakazana.

Budući da ponuda ponuđača „Redex“ d.o.o. Banovići zadovoljava sve postavljene uslove utvrđene tenderskom dokumentacijom i da je u svemu prihvatljiva za Univerzitet, to je Komisija predložila da se sa kvalifikovanim ponuđačem zaključi okvirni sporazum za nabavku ribe i proizvode od ribe (LOT6) za potrebe restorana Studentskog centra Univerziteta u Tuzli, sa sukcesivnom isporukom do 31.12.2025. godine.

Uvažavajući sve naprijed navedeno i da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-161-JN-8/24 LOT6 od 11.11.2024. godine


DIREKTOR
ZA EKONOMSKE POSLOVE
Alden Osmanbegović, dipl.oec.

DOSTAVITI:

1x Svim ponuđačima
1x WEB portal
1x a/a